



南湖詩集序

弘治元年冬

道歸宣城檢閱

南湖二詩集選

以吏部文選員外郎奉上命冊封伊府便
先考司封府君所藏先世圖籍因携雲林
于京以字有舛訛請正于今禮部尚書大

學士西涯李先生越數日復請先生謂欽曰雲林集不勝

點記當具存終元之代止可讓一家或二家耳慨然許序

其端謂南湖集亦清新可傳刪其什之一俱歸于欽雲林

集已托前寧國守范君以貞刻板于宣城學宮弘治八年

冬欽以文選郎中得罪調除大名府同知觀林間梨木瘁




其顛者用是圖刻此集市材瓦工一切所需俱出自已俸
任滿終當携歸宣城書塾耳其什之一臨刑不忍盡去復
存其所剛什之二三此欽之私也雲林集者七世祖元翰
林學士贈禮部侍郎謚文靖又以尚書府君貴贈禮部尚
書追封郡侯世號雲林先生故其集曰雲林此所謂南湖
集者是也高祖駕部府君之從兄諱性之字友初仕元為
閩省理官入國朝隱居越之山陰更諱悅洪武間駕部府
君與其再從兄司業府君同仕于朝屢遣舟迎抵金陵舊
館又迎歸宣城之南湖俱不樂遂終于越門人私謚曰

貞晦其志益可見矣世號南湖先生故其集曰南湖時會
稽王元章善畫梅得其畫者謂無負南湖詩則不貴重故
集中多詠梅詩間錄其詩若干首于越山鍾秀集其重見
于越之士人如此無嗣一女適維陽錙渙之子績外孫師
邵其祖子孫皆越之名儒欽外姻尊者也不記其字與號
故潛書其名理官府君欽不避干犯之罪者慮此集不朽
頌其詩者欲知其人耳此又欽之私也弘治十一年五月
十六日四代孫欽謹識

南湖集卷之一



宣城貢性之著



五言古詩

西湖燕集分韻得南字

我志在丘壑野性夙所耽今晨適休暇樂此風日堪而我
二三友濟々皆儒簪扶携眺西郊到處窮幽探湖光淨澄
練山色浮晴嵐林木葉已脫梅花蕊猶緘言瞻和靖祠荒
草埋空函載登岳王墓老樹雲相叅眼明三竺國金碧眩
精藍商歌起樵牧清梵來瞿曇方將履夷曠尋復躡嶄岩

去々不知遠落日山倒啣美人具清讌函舫如雲龕浮游
六橋間水天遙共涵列座總才彥丰采殊不凡嘉肴雜前
陳聊足飫肥甘一觴既一詠一笑復一談詩遲罰辭屢令
促嚴過三怡々好兄弟整々佳子男武事既已修文理亦
頗諳揖讓自有序踈散徒我慙起舞影凌亂脫巾髻毳毳
城門告下鑰歸來扶醉酣稚子候門笑酒痕滿輕衫良晤
詎偶然和樂喜且湛勗我賓與主秩然盡東南

題畫

琳館依珠樹青山走游龍水流疑動石雲低不礙鐘將尋

採芝侶于此謝塵踪

賦得蛾眉亭送胡長史粹中之楚

雙蛾橫翠黛孤亭枕江流伊人遠行邁于焉曳蘭舟山空
夕烟歛月白水光浮水懷謫仙人浩歌動清秋風景詎不
美公程靡遲留明發指武昌千里路悠悠々言從夏口驛迢
迢經鸚鵡洲王國寔重鎮屹然居上游皇圖永萬古輔翊在
謀猷茲行亦已壯毋使增離憂

題畫鷺鷥

秋堤柳疎々秋塘荷葉枯水淺微露石水清還見魚飲啄

各自適樂哉此春鋤

雲谷書房

逶迤雲谷山窈窕涇溪水山水一以靈人物遂鍾美讀書
有佳士于焉樂棲止軒窓納晴嵐几席散圖書朝引白雲
來暮看白雲起雲來山冥冥雲去山靡靡從龍既有熊作
兩良有以願溥澤物心天地與終始

題畫蘭竹

幽蘭產空谷無人春自芳綠竹生石間節操凝冰霜樂此
琴中調真彼君子堂氣與質隨化歲晚同馨香采之可紉

佩不采蘭何傷

題畫

衆峯涵夕陰羣水澹秋色逶迤見古道蕭條少行客雖無
桃花源亦與塵世隔縱有扁舟來重尋恐難得

夜宿書舍

齋居頗幽敞洞然啟八窓梧影落几席密葉如青幢韋編
既滿座濁酒亦盈缸矯首青天鶴時時來一隻
齋居頗幽敞朱秋先得涼青燈照良夜短檠搖素光潛心
在簡策伊吾讀琅琅未究密奧理聊歌長短章

題畫

微雨歇清晝輕雲散薄陰人家隔西崦僧舍傍東林樵漁
斷行屨山水空遺音軒冕詎不貴遊塵如海深披圖歎懷
歸何由諧夙心

南湖集卷之一終

南湖集卷之二

宣城貢性之著

七言古詩

送賴孝子

天兵昔渡閩海水北風吹送南船起建瓴破竹下諸城貌
貅百萬紛如蟻一時玉石難具分賴母被虜隨官軍倉皇
子母各離散含羞忍垢依轅門兒心念母無休日母憶兒
孤恨何極天高地厚兩茫茫存亡彼此無消息荏苒年華
二十秋母書忽報留杭州開緘驚喜若夢寐潛然涕淚成

交流兄弟扶携即上道此身未到神先到見時子母各未
識生前此會誠難料誰知喜極愁轉多母髮昔黑今已皤
問兒丘壠可無恙問兒生理今如何兒聽此語仰天哭兒
今雖死心亦足兒弱猶堪負母行兒貧尚可供饘粥母名
貌繫官籍中兒將赴訴無由通上官亦復念懇切從容許
我伸愚衷檄書清晨下藩府始得賴家全子母來時臂恨
不羽翰歸路寧知有辛苦杭有義士芝塢民見此不覺含
悲辛力排患難不自惜頓使枯槁回陽春舊茂宰重相見
遺愛尚滿清流縣賴母云是清流人推食解衣勞眷人

生至樂歸故鄉故鄉此去樂未央舊人問訊新人看東家
煮豆西煮漿我歌此詩為君餞紛々薄俗猶當勸更將二
子送君情孝子義夫同作傳

題胡貞母姑貞節卷

萬年枝頭々白鳥月明夜半聲呱々雄飛不返鳥影孤飛
鳴辛苦悲其雛々寒蟻々散號呼雛飢嗷々日待餽鳥既
不天烏當殂奈此雛幻誰携扶雄有女弟雛乃姑烏弱雛
幼孰與罔矢心保雛誓不失念尔一線懸尔胡雛身長大
羽翼舒萬年珠樹榮復敷舊巢既葺安乃居烏知返哺良

足娛觀風使者來公車會將君命旌爾問皇恩下逮孰敢
辜節義炳々絕代無豈無直筆如董狐大書特書不一書
婦道真足為範模風節願使比屋如畫送澆俗躋唐虞

送盧思敏歸天台

天台山高四萬八千丈神仙之徒往々窟宅手其間我嘗
探竒恣玄覽直上絕壁窮躋攀松風流水敲瑟瑟々葩花玉
洞春漫々曾逢兩仙人對奕猶未殘羸羸白髮長披耳千
二百歲如童顏手携綠玉杖劍佩黃金環見我拂衣起念
我行路難問我何從來延我啓重關授我長生訣餌我金

食松齒柏元詩選作餐松物齒柏

松啗柏飲沆瀣伐毛洗髓滌肺肝吁嗟凡骨不易

終有術元詩選作有術終不可以遠學入歸塵寰始知神仙終有術不可以遠學使我

夢寐至今夜々空與相往還盧郎天台人縛屋天台下年
少事遠遊仗劍歷中夏才華擅文藻富貴若土苴曳裾恥
王門望雲念親舍浩然欲歸養即日具鞍馬上堂奉甘旨

再拜元詩選選作載拜

拜獻杯棗適此舞綵歡勝彼途路者父母見子歸喜氣

揚雙眉親戚饋壺漿鄰里將豚雞慰藉遠歸人老幼咸熙
熙但諳風俗淳不識亂與離因君重念山中好歸來已覺
翰君早汨沒塵埃徒我慚憔悴形容漸枯槁今君徃矣誠

足娛觀風使者來公車會將君命旌爾閭皇恩下逮孰敢
辜節義炳々絕代無豈無直筆如董狐大書特書不一書
婦道真足為範模風節願使比屋如畫迨澆俗躋唐虞

送盧思敏歸天台

天台山高四萬八千丈神仙之徒往々窟宅手其間我嘗
探竒恣玄覽直上絕壁窮躋攀松風流水散瑟瑟々葩花玉
洞春漫漫々曾逢兩仙人對奕猶未殘羶羶白髮長披耳千
二百歲如童顏手携綠玉杖劍佩黃金環見我拂衣起念
我行路難問我何從來延我啓重閣授我長生訣餌我金

霞丹食松噉栢飲沆瀣伐毛洗髓滌肺肝吁嗟凡骨不易
脫失身又復歸塵寰始知神仙終有術不可以遽學使我
夢寐至今夜々空與相往還盧郎天台人縛屋天台下半年
少事遠遊仗劍歷中夏才華擅文藻富貴若土苴曳裾恥
王門望雲念親舍浩然欲歸養即日具鞍馬上堂奉甘旨
再拜獻杯棗適此舞綵歡勝彼途路者父母見子歸喜氣
揚雙眉親戚饋壺漿鄰里將豚雞慰藉遠歸人老幼咸熙
熙但諳風俗淳不識亂與離因君重念山中好歸來已覺
輸君早汨沒塵埃徒我慚憔悴形容漸枯槁今君往矣誠

難留殷勤為謝羣仙道明年二月春正繁期尔山中拾瑶
草

高山流水圖

山雲飄蕭山月涼
谿風颯沓谿流長
山水遺音秋滿耳
似與琴響參宮商
若人領此山水勝
謾託冰絃寄幽且
天空自覺響逾寂
指落先與心相應
音傳今古知者稀
孰云舉世惟鍾期
仰天為尔一長嘯
音兮琴兮知不知

題扇

鮫人夜織綃滿機
并刀剪碎光陸離
歸來斫斷珊瑚枝
製就明月初圓時
南州辱暑醉如酒
朝携暮携常在手
從此相親成狎友
縱使分遠應不久
祝融峯頭重回首

牧牛圖

溪童飲牛渡溪水
牛遇水浣行復止
人知水深牛不行
誰識回頭顧其子
桃林之野春雨晴
燒痕回綠春草青
太守勸農當二月
土膏肥煖牛可耕
邯鄲城頭征戰息
穉徒勞吟白石一
叢笛裏太平歌
牛背溪童自朝夕

從軍謠送王儀之

王卿有志當俊髦
壯氣直與秋爭高
讀書一目十行下
落

筆神鬼先驚號才如羣府韞尺壁思若獨繭抽長線長身
龍離瘦如鶴方瞳點漆明如膏始豐先生典杭校羅致門
下皆英豪鄉年弱冠即相許老大喜與賢良遭執經問難
無少倦下視餘子空歎三年賓興時大比文戰笑與千
人麈朱衣暗點誇敏捷大字揭榜魁時曹天庠策對聆聖
語辭若江漢流滔魚龍變化在頃刻稽首拜舞趨神堯
瓊林錫宴集諸彥宮花壓帽紅玉嬌理司評事暫寄迹秋
官小宰爭見招牘書累積似山岳詞理曲直分牛毛片言
剖析不留滯解使昧從昭合言萬口同一喙奉法平

允無貪饕只今仗劍戍雲南內向我醉索從軍謠軍中之
威既赫軍中之樂仍陶雕鞍玉轡誇駉裏黃金鎧甲
明綉袍燕塵萬里沙漠邊風八月涼瀟上馬斫賊下
馬檄臂鷹走犬田為遨大旌小旆錦作隊戈矛在手弓在
腰睢盱詩云與子曰諳習虎畧兼龍韜雅歌投壺且容與
輕裘緩帶還飄引絃射虎昔李廣擲筆墮地今班超功
成他日獻天子印懸肘後當還朝姓名輝注青史肯使

漢將專嫖姚

題山農畫梅

大庾嶺頭春信早十月梅開照晴昊
魯騎官馬隴頭來百里梅花夾馳道
夫君元是嶺南人自言家近羅浮村
種梅遶屋一萬樹玉為肌骨冰為髓
得官遠向西湖住喜與林逋作賓主
夢回酒醒霜月寒又見梅花在窓戶
笑倩傍人為寫真相看如見嶺頭春
一簫長笛月欲落腸斷梅花身
後身

溪山小隱和胡虛白韻

我聞神仙之國伐毛兼洗髓遠在西海西邊蓬萊之弱水
我生有夢不可到彷彿君家畫圖裏溪流冷浸玻璃天層

已借元詩作
已借

岳疊嶂含雲烟渡頭楊柳綠如染洞口桃花紅欲然
老夫已借過眉杖來聽松泉弄幽響雲中雞犬知幾家
胡麻已熟雕胡掌此中此樂何紆餘赴隴無煩來鶴書
便欲相從學耕釣細和山穀同水調

送錢九成

酌君酒聽我歌人生百年能幾何會日苦少離別多君來
未久將適他權即催發江之沱春草淒淒春水波為君起
舞毋蹉跎勸君更盡金巨羅君且去我復歌

題畫梅

江南十月霜雪飄杖藜東郊復西郊酒酣不憚行路遙踏
遍第六西湖橋北風獵獵吹枯梢青天有鶴不可招逋仙
起舞來解嘲請君與我看此高堂素壁一幅之生綃

青山雲一鷗圖

青山青々欲斷青山斷處雲如幔人家深住塢東頭剛被
雲遮一半多山兮雲兮宵莫分雞犬遙隔雲中聞有時隨
風或凌亂長日與山相吐吞域中車馬多如織沒馬紅塵
深幾尺只有富貴解留人直與雲山未會識吁嗟山中人
夢憶雲中君卷舒隨所適放浪由天真我昔西遊登五老

城中元詩選作城中

五老諸峰揀晴昊酒酣放歌謔仙句擬共雲松結巢好江
郎自是青雲姿按圖笑索雲山詩從未知尔出山去為兩
為霖當及時

題息齋竹次韻

憶昔舟泊湘江時青天皓月流素輝美人騎龍上天去遊
魂夜半招不歸與來一飲三百斛醉倒肯惜千金揮孤鳶
隨影秋水碧鷓鴣叫入蒼雲飛涼颼颼似鳴籟翠霧漠
漠如張帟胸中氣吐萬齒齒筆底勢走千明璣毬車搖々
渺何許疑是柱頭丁令威風流雲散勢已遠蕭條遺墨人

溪山詩選作溪山

間稀眼前頰仰卽千載底問誰亡復誰在
我來見畫如見人往事悠々付深慨掛之高堂素壁中
老氣凜々迴長風狂歌起舞還自惜笑看白日行青空

樹萱堂

趙家有母七十餘堂下樹萱堂上居住兒衣織雲五色看
花奉母還自娛花開歲々顏色好子母百年願終保忘憂
况復更宜男兒但少年母難老兒歡母喜不自知坐閱滄
海成塵飛蟠桃實偷幾度熟寸草心報三春暉何當登堂
酌君酒為君起舞為母壽更看冊書天上來旌表高年趙

家母

贈友生李孟博

李公子蕪城人自言少小離鄉井移家遠住浙水濱蕪城
舊事不復省往々得向人間聞二十四橋久寂寞竹西歌
吹今不存御溝楊柳老無樹瑠花冷落隨風塵騎鶴樓高
誇壯麗珠簾盡煉連青雲東樓有明月西樓有佳春傾銀
注玉總豪貴歌兒舞女常紛紜吁嗟此樂竟何有竭來杭
郡肩儒紳方瞳炯々漆爭黑挺々七尺頽然身昨日人中
一相見恍若野鶴隨雞羣手持一卷周公易妙理解識先

天文文辭象象貫胸臆六十四卦如通神明年獻賦叫閭
闔上有堯舜君下有堯舜臣要令四海八荒盡作堯舜民
我今授老在畝畝熙熙皞皞含哺鼓腹浩歌擊壤看尔健
若蒼隼橫秋旻

存誠齋

江郎文采誇俊良年來弱冠登傳庠髮如青絲面如玉眸
子點漆雙瞳方揮麾冉云錦爛脫口字驪珠光齋居遠
在市橋側夜燈照誦散琅琅眼中瀟灑無長物牙籤插架
書滿床存心朝夕在經史土苴富貴輕毫芒湛然君臺淨

如几操之則存舍則亡具理應事在存養沉潛涵泳宜自
強事君存忠事親孝立身早使聲名揚黃金白壁存固好
飢不可飽寒莫裳尔翁之存寔方寸積善藹存餘芳致
君堯舜付公等青雲萬里看翱翔

送碩石樓還天台

濕雲壓樹飛不起鷓鴣盡啼春樹裏行人相呼正在途咫
尺妻兒隔江水江水咫尺間行人欲渡難心旌兩搖恨
不生羽翰去時離家秋七月說道歸時重九節只今桃李
已漫山尚尔悠々路行客信知行止非人能天時人事誠

難憑明年此日又何處寄語妻兒莫浪憎

贈蔣伯昂

我初識君時君年十二三逢人解長揖對酒能高談爾翁
七十清可掬骨格風丰姿邁流俗乃知寒水出冰藍田產
玉此物惟有君家獨有田可耕有書可讀子胡為奔走碌
十年重見杭之庠君才已覺非尋常樓居哉、白日靜一
榻之外空八荒筆力健走動山岳辭源浩瀚似瀟湘始信
人生愧不學、必有術學之工夫奚有極明年秋桂發天
香煩君一吐錦繡腸梧桐高岡鳳凰朝陽非君奚所望老

夫老眼烟若鷓看爾雲漢大展長翮而翱翔

唐馬圖

開元天厩多良馬四十萬匹皆龍駒奚官牽出立仙仗箇
箇五花雲錦如許教芻粟官家給飼餵何曾敢相失花邊
柳下恣長鳴不比鴛鴦甘伏櫪太平天子無戰爭四海久
矣風塵清青絲絡頭黃為轡看花不出長安城世間豈無
千里足往、徒遭奴隸辱如何獨領鳳池春慎勿送人獻
羈束

風木軒為陳教授題

涼風吹庭樹，枝葉不自寧。父母背諸孤，孝養嗟不能。涼風吹樹，有時息父母，一去無回日。入門惟見嘉樹存，入席悲號淚沾臆。如今見樹動兒思，當年種德兒不知。會須種德如種樹，培植相承無已時。

默虛

神仙中人不易得，我遠見此洪都客。飄飄浩氣吐凌雲，烟烟雙瞳漆爭黑。朝携出共洪崖翁，莫歸宿與浮丘伯。消息造化天無功，解使精神致魂魄。杖藜走遍沃州山，鼓柁頻過雲夢澤。囊中神劍連青蛇，百怪羣妖受驅策。問之不荅

亦不言，妙理茫々付深默。出語恐遭天帝嗔，只遺靈臺自虛白。有時一吐胸中竒，魁錦天葩句新摘。有時笑鼓七絃琴，睥睨乾坤如甕窄。瞿塘灩澦谷坦途，太華匡廬總玄宅。更泛曼倩覓仙壇，蟠桃要積如山核。竭來別我賦歸與，翩翻又舉雲間隔。翮一杯酒盡出門去，愁過行雲慘無色。我欲留君，不留明日千山萬山隔。

宮梅圖

瓊樓夜寒銀漏滴，滿地霜華月光白。翠禽啼斷夢中魂，窈窕虛窓隔碧紗。隔千門深鎖，含章宮未許。人間識春色，只

愁笛裏曲聲哀零落香鈿點粧額

贈友生王希仁

王郎名榮字希仁自言家世錢塘人年纔弱冠入郡學向
人把筆能屬文同門師友稍相愛謂我識字能與親中庸
大學熟背誦奚憚子曰兼詩云庭前老桂秋吐香清燈照
夜忘辛勤爾才俊逸自不羈况復師友吐傳珍胸中久韞
治安策上排閭闔當具陳摠忠不獨騁華藻上匡國政下
及民我憐高才日零替此道久屈何由伸眼中得爾良可
慰期爾早克觀國賓驕驍駉駉小千里鷗鵬鵬鵬恒青雲

也知有才必有用咲彼俗子徒紛紛子今年少正宜學莫
倚有才聽藐々要知吳下稱阿蒙三日不見驚非昨會須
青紫如拾芥塵俗何緣得相縛西河之曲尔屋好着我頻
過良不忍酒壺蒼竈讀書床咲聽長歌動寥廓東鄰亦有
杏田翁日坐天光雲影中衡門日多長者轍慷慨頗慕前
人風涼颯曉動萬條竹金井秋落雙梧桐此中真意殊未
識我當為尔琴書日々來相送

延月軒

今夕何夕天氣涼月光墮地明如霜開尊坐看湖上月對

月一飲三百觴清光爛熳入庭戶我亦醉歌成起舞影隨
明月，隨人，影相看作賓主恍疑寶鑑當天開風露寂
寂無纖埃浪言白兔搗靈藥知從何處來何來酒酣舉觴
問明月古今人看同皎潔却憶當年看月人百歲曾消幾
圓缺如何問月，不言山河倒影含蒼烟我醉欲眠月欲
落明朝載酒重相延

畫菜

涼風蕭瑟吹短鋤晚露的歷含明珠瀾編翠錦隔晴旭一
咲青紫當何如老夫清晨向東園為尔挹甕立斯須高樓

日，飲肥脆識得箇中滋味無於乎識得箇中滋味無
百馬圖

烏桓城頭春雨晴烏桓城下春草生百靈長養少畋獵牧
騰駢馳突各異態饑齒渴飲仍縱橫胡兒

獨誇好身手上馬捷若飛鳶輕青絲不韉錦鞍卸什，伍
伍爭先行胡官遙望拍手笑落日半照旌旗明憶昔開元
全盛日四十萬匹俱龍精驕駃騠絕神物駿氣上貫房
垣星只今四海罷征戰含哺鼓腹歌昇平英雄用武已無
地一日底用十里程吁嗟伯樂倘一顧爾價頓使千金增

月一飲三百觴清光爛熳入庭戶我亦醉歌成起舞影隨
明月，隨人，影相看作賓主恍疑寶鑑當天開風露寂
寂無纖埃浪言白兔搗靈藥知從何處來何來酒酣舉觴
問明月古今人看同皎潔却憶當年看月人百歲曾消幾
圓缺如何問月，不言山河倒影含蒼烟我醉欲眠月欲
落明朝載酒重相延

畫菜

涼風蕭瑟吹短鋤晚露的歷含明珠爛編翠錦隔暗旭一
咲青紫當何如老夫清晨向東園為尔挹甕立斯須高樓

日，飲肥脆識得箇中滋味無於乎識得箇中滋味無

百馬圖

烏桓城頭春雨晴烏桓城下春草生百靈長養少畋獵牧
馬曉出烏桓城騰驍馳突各異態饑齒渴飲仍縱橫胡兒
獨誇好身手上馬捷若飛鳶輕青絲不韉錦鞍卸什，伍
伍爭先行胡官遙望拍手笑落日半照旌旗明憶昔開元
全盛日四十萬匹俱龍精驕駟駉總神物駿氣上貫房
垣星只今四海罷征戰含哺鼓腹歌昇平英雄用武已無
地一日底用十里程吁嗟伯樂倘一顧爾價頓使千金增

題畫

城中車馬多如雲林下相逢無一人
城中甲第十萬戶林下草堂空四鄰
胡為奔走上城市歸來兩袖飛黃塵
高堂素壁忽見畫使我頓覺清心神
何時此地一相就坐席甘與漁樵分
借君清澗濯斐足借君松枝懸角巾
更須長揖謝軒冕相期歲晚終吾身

贈黃順

黃鄉素積善美譽垂後昆讀書復讀禮孝義敦一門阿翁作官走萬里錦綬銀章光蕤々歸來尚喜身健在丰采翩翩

翩人莫比佳兒辛苦能理家新業如今殊有加諸孫贊々解奉養三世同居人莫誇老夫清晨入官學苗生長揖禮端恪咲携惡紙索題詩莫學紛々事輕薄

題楊文昭為劉敬思函

我家茅屋滄江邊屋頭高樹雲相連
秋菽六月常在座彷彿兩耳聞鈞天
竭來城市住未久已覺塵埃滿衣袖
高堂素壁忽見函風雨如聞龍怒吼
憶昔劉郎多好竒七尺長身玉雪姿
眼中為惜棟梁具咲倩楊昭罔畫之
楊生好畫亦成癖醉墨淋漓不停筆
遠山近水漫塗抹鐵幹虬枝儼

行立一時清致俱寂然惟餘此畫人間傳精神恍惚奪造化
意象慘澹含雲烟吁嗟二公不復見把玩令人竟忘倦
老夫白髮已如此往事悠悠淚如霰

贈友生潘大本

天目之山青蜿蜒恍若蒼龍彩鳳飛下寥廓之青天杭州
之城圍走一百里千雉萬雉綿亘相周旋長江一派海門
接直與蓬萊弱水相通連昕潮莫汐歲復歲解送徐福背
時采藥之樓船左瞰更有西子湖南峯北峯聳翠絕似小
李將軍新畫圖樓臺金碧總佛刹朱簾畫舫滿載黃金巨

羅白玉壺美人珠翠照水若明鏡水晶盤盛一丈銀白魚
荷花夏開錦不如醉眼詫識紅趺踰蘇公作守時築堤橫
截過十里舊栽楊柳試問留得今幾株澹烟疎雨籠翡翠
人道天上咲舞仙姝湖山堂在大橋畔歌兒舞袖無時
無回看鳳山儼在眉睫裏知是宋室七代之故都金鐘千
石埋野草尚餘金井雙碧梧夫差嘆息鹿已走又見夜深
月黑啼妖狐山川秀氣漠然散祇有當代挺出儒中儒一
傾美酒千萬斛一目燈下萬卷書我時相見夜打戶倒屣
出迎不覺藪誼呼尋章摘句獵百代微辭與理窮極太古

初胸中長虹貫萬丈劍氣上薄牛斗墟老夫走迹半天下
閱人多矣不意見此後底青珊瑚比鄰蔣卽瘦如鶴錯比
丹穴產鳳雛要若曼倩經史飽足三多餘明時需賢如飢
渴豈容尔等鬱、書中居學優則仕、優學堪咲尸位素
餐洋、自得塵俗徒爾祖昔宰河陽縣種桃遺愛今于史
冊猶可見流傳到今、几葉要繼芳躅使人爭健美好將
治安萬言策大叫閭闔直上金銮殿致君上邁堯與舜夔
龍稷契當自銜雍熙泰和之治在公等坐令四海無爭
戰富貴無淫貧賤不移威武莫屈者使古人名獨擅我歌

長句愧才短誰憐白髮如此樓、尚不能棄筆與硯期君
一日九遷十日九轉聲名赫、留著史傳

雪山竹房為王御史題

海天冥、同一色雪花墜地大如席大山巖巖號長風片
片吹落淇園中淇園之中何所有琅玕箇、青蘿蔥琅玕
白雪兩相敵萬籟無聲晝岑寂孤鷺獨鶴手可招玉龍翠
虬寒不蟄此時獨有高索人愛此瀟灑來相親手携神仙
綠玉杖行隨玉樹歌陽春歲寒之節世莫相識挺、長身
抱虛直會待金烏出暘谷環珮鎖鏗弄蒼玉始知不與雪

俱消要與人間洗塵俗

題畫

湘雨晴兮湘水深
抱幽歌兮以笑以吟
蕭艾同烈兮荆棘是
侵懷美人兮勞我心

江雲飄蕭兮江水綠
波放舟中流兮以笑
以歌美人不來兮其
奈爾何

南湖集卷之二終

南湖集卷之三

宣城貢性之著

五言律詩

和唐愚士

詩名獨尔憐
歌罷思飄然
白壁連城重
明珠照乘圓
秋風歸客旆
夜雨上灘船
江草江花裏
軍疑在錦川

梅花扇

香雪綴晴梢
東風暖未消
路經蘇小墓
船泊段家橋
瘦倚吟邊竹
寒低月下簫
逋仙杳何許
千古蒼為招

秋堂讀書圖

涼風起天未秋思滿秋堂綠樹團晴影青燈夜坐長為誰
懸榻下留客淨琴張矯首雲霄近爭看一鷲翔

過破衣庵訪阮子昌

行過河西曲來尋小阮家
籬多種菊十月未開花
遠樹含秋色輕雲護晚霞也須頻到此
隔屋酒堪賒

題西

憶昔山中住山中足勝遊
雲連高樹暝泉帶落冰流路轉
人烟僻樓開佛寺幽披圖重
遐想我欲賦歸休

窗戶碧玲瓏看山向
通樹涵雲外雨涼度水邊
風淪若
喚童懶揮毫對客
雄談如着我也入畫圖中

題撫松軒

老向長松下徘徊
眺夕陽雨散隨杖屨
雲氣襲衣裳慷慨
懷丘壑摩挲惜棟梁
自甘身偃蹇不復夢明堂

次韻寄方外友

日望歸幢伊人隔楚江
信憑天使問愁伏酒兵
降淨社
虛禪榻清才重帝邦
何時對明月共倚竹間窗

舉世誇浮靡伊人澹自娛
夜懸聽雨榻風落就床書
別墅閑情似金門太隱如
幾時須尔過日與一停車

題王師文半篷春雪圖

雪借孤篷影風迴一水香
繁枝橫處密醉眼望邊長
不是臨東閣渾疑隔矮牆
扣舷吹鐵笛驚起睡鴛鴦

香是臨流得詩因倚棹成
岸移驚樹轉牆礙覺枝橫
似隔僧廬見如緣閣道行
傍人歌斷處疎影月三更

七言律詩

題清隱卷

爰尔隱居清且佳
風致宛若神仙家
白石新煮潤如玉
丹火出林紅似霞
豈無大田種嘉秫
亦有別澗流桃花
飄零江海未歸去
嗟我蕭々雙鬢華

題山澤

老去儒仙似鶴癯
歸來山澤足閑居
楠遠屋當年樹圖
史堆床歷代書
藥圃荷鋤時自斲
酒瓢緣客不教虛
青山滿眼連吳越
卧看晴雲日卷舒

蓬軒

爾家軒子小如船
屋上青山屋下泉
且可看雲長日坐
更

宜聽兩夜深眠也知身外原無地要比壺中別有天多少
高門歌舞地花開花落使人憐

林壑深秀為鄧宗經賦

芙蓉城郭自天成長日開軒看雨晴飛瀑曉翻千嶂雪驚
濤秋湧萬松聲
去鳥風中度一
遊人畫裏行
濟世
功成許歸隱肯教林壑負深盟

送葉南夫

君家盛事古今稀九十雙親七十兒
四百人中同成日八
千里外獨歸時樽前舞袖花前酒
畫裏關山卷裏詩親故

同成元詩選作同成

爭傳看遠客不妨銀燭夜筵遲

越山清曉

曙光晴散越王臺萬壑千岩錦綉開
歌枕僧鐘雲外落捲
簾漁唱鏡中來樹藏茅屋雞聲斷
露濕松巢鶴夢回安得
西園分隙地移家仍住小蓬萊

送人之靖州從軍

十年書劍遠從軍萬里驅馳淨虜塵
報國有身甘負戟思
親無日不沾巾馬嘶青海邊
頭月人卧黃沙磧裏春
看取
漢庭功策在安將圖像入麒麟

宜聽兩夜深眠也知身外原無地要比壺中別有天多少
高門歌舞地花開花落使人憐

林壑深秀為鄧宗經賦

芙蓉城郭自天成長日開軒看雨晴飛瀑曉翻千嶂雪驚
濤秋湧萬松聲
去鳥風中度一
遊人畫裏行
濟世
功成許歸隱肯教林壑負深盟

送葉南夫

君家盛事古今稀九十雙親七十兒
四百人中同成日八
千里外獨歸時樽前舞袖花前酒畫裏關山卷裏詩親故

同成元詩選作同成

爭傳看遠客不妨銀燭夜筵遲

越山清曉

曙光晴散越王臺萬壑千岩錦綉開
歌枕僧鐘雲外落捲
簾漁唱鏡中來樹藏茅屋雞聲斷露濕松巢鶴夢回
安得
西園分隙地移家仍住小蓬萊

送人之靖州從軍

十年書劍遠從軍萬里驅馳淨虜塵
報國有身甘負戟思
親無日不沾巾馬嘶青海邊頭月人卧黃沙碛裏春
看取
漢庭功策在安將圖像入麒麟

登越王臺和任一初韻

芙蓉城郭自天開
形勢盤回亦壯哉
風作鳴潮吹兩散
山如走馬渡江來
王圖霸業今何在
越寺吳宮莫漫哀
此日明年各何處
更須扶醉一登臺

夜聞漁歌

一棹高微一棹低
憑伏東風度水西
着意聽時腔轉細
斷人腸處思先迷
雁鷺何處沙邊渚
船泊前村月下溪
不道客愁不醒要
隨羌管入雲齊

重過姑蘇有感

昔客蘓臺鬢未霜
不知塵世有悲傷
聯詩刻燭過三鼓
一月看花醉幾場
紅袖舞殘歌緩
錦箏彈罷雁行
底用嗟吳廢
亦有咸陽與洛陽

約遊山阻雨

春事無多苦未晴
數來花信過清明
都將酒債兼詩債
付與風敲共雨敲
燕落香泥沾紙重
蝶翻飛絮入簾輕
懷人久負南山約
縱有南山不可行

清燕堂

江山深處畫堂深
朋宴曾聞屢盃簪
奕世衣冠惟望族
百

年桑梓尚喬林珠簾捲雨聽春晝寶鴨含烟散夕陰我亦
有懷同笑語圖書堆裏坐鳴琴

寓毘陵旅邸

月光涼墮夜堂深草々杯盤款々斟歡喜情懷無復舊別
離時節又從今坐消爐篆清烟細聽徹壺籌玉漏沉闌隴
祇緣頻作客翻令兒女訝鄉音

新燕

舊巢新補落花泥長日多晴故々飛千里烏衣春夢遠幾
家華屋主人非茅簷低穩頻頻到羅幕高張莫暫依會得

養雛成羽翼西風頃尔一隻歸

送別

江上船開起棹歌離愁無奈故人何桃花流水春三月楊
柳東風雨一簑送別轉嗟形影獨相思從此夢魂多到時
定有平淮策勲業終歸馬伏波

雲錦溪

青
東西岐路一橋分南北人家兩岸村賣酒 帘懸屋角採
菱小艇繫籬根不將姓字通朝市只許詩書遺子孫我亦
江湖倦遊客卜鄰他日願從軍

送林師文

白髮高堂七十稀，倚門朝夕候兒歸。
燈前細說思家夢，身上猶存去日衣。
秋橘奉甘霜顆重，冰魚入饌曉滄微。
紫荊花下籃輿穩，莫道人間萬事非。

梅花次韻

夢別羅浮知幾年，看君圖畫思茫然。
春回大地香生樹影，落晴窓月在天東閣。
有詩懷水部孤山，無酒酬逋仙分明。
記得相逢處，多是溪橋野水邊。

看水軒

溪上幽軒護石缸，兩餘偏愛碧涼。
游魚出沒不多箇，白鳥往來時一隻。
對影直疑人照鏡，濯纓還許獨開窗。
詩人醉後償高卧，絕似孤篷泊楚江。

臨清軒

面_子開窓看瞰碧，波南風時送晚涼。
多洞簫吹徹，散如縷釣艇歸來小。
似梭醉拍欄干，春浩蕩坐遯明月夜。
如何莫嫌此處人來往，愛聽滄浪孺子歌。

挽陳克仁

別時深念見時難，握手_手分遠淚眼看。
旅櫬有靈歸故里，游魂

無定繞長干西風望斷雲連邊雁夜月啼殘鏡裏寫最苦
女孫携白髮老懷令我重辛酸

接曹孟圭

曲江新漲黃梅雨，裏客船汀上來對酒肯辭今夕醉有
懷能向幾人開歌傳皓齒香生席舞按纖腰月滿臺縱是
金吾嚴禁夜也須容我更遲回

送徐彥中

旅思鄉愁不自降短篷吹雨渡長江陽關莫謾歌三疊別
酒須傾玉一雙隔岸紅塵迎去旆倚門白髮候歸幢到家

歡喜都忘倦閑聽諸郎夜讀窓

送施孟莊

萬里思親萬里心見時何啻萬黃金烏巢日落千山暝紫
羅雲生六月陰叱撥穩馱夷女醉猩紅新染毳袍溪江南
更有慈闈在看取衣縫密針

送陸景宣靖洲從軍

蠻荒溪洞極邊頭伏劍從軍憶壯遊楊柳春風千部落旌
旗曉日萬貔貅路經彭蠡洲前過江自巴州峽外流早報
遠人歸聖化貂蟬從古出兜鍪

送王魯送軍

歎息儒冠早誤身，謾將書劍學從軍。
三千客路多依水，九點青山半入雲。
曉日旌旂明虎帳，春風鼓角動龍門。
倚閣望斷慈親眼，湘北湘南一夢魂。

寄題綠遶軒

聞說軒居暢雅懷，卧聽春雨自天來。
到門一水連環合，入座千峯卷畫開。
閑處有書消歲月，眼中無地著塵埃。
致身蕭爽何由得，吟寄新詩愧不才。

環翠軒

青山遶屋樹當門，濕露晴嵐迥不分。
吟捲珠簾朝柱笏，坐邀明月夜開樽。
不將姓字通朝市，只許詩書遺子孫。
何日扁舟上于越，為君長揖謝塵氛。

梅花

惱人春思苦多端，萬萼千葩故攢如。
雪瓊瑤元自潔，趁風蝴蝶亂成團。
魯送和靖門前見，吳八仙娥月裏看。
莫遣東風吹夢斷，綠雲無處載青鸞。

次景王山韻寄周秉烟

倚遍闌干月色饒，美人何處自今宵。
雲將雨意驚秋早，雁

帶邊敲入座遙爐爇青煙香作篆酒翻銀甕玉為瓢相期
早遂歸田計兩鬢秋霜未易消

題畫壁

何處江山似此佳看君圖畫欲移家沙邊洲渚潮渾沒雲
裏樓臺樹半透叢桂漫歌招隱賦種桃誰識避秦花晚風
吹送歸舟急一片征帆帶落霞

咏吳山景

寫翔鳳翥枕江流秀奪江南第一州螺髻巧盤雲外影蛾
眉淡鎖雨中愁舞衣春試鴛鴦錦歌扇晴翻翡翠樓寶馬

香車遊冶子賞心誰不為遲留

西江州堂

江水西來帶草堂風流渾似百花莊漁歌日送潮來往庭
艸春隨樹短長滿眼雲山新入畫傳家袍笏舊堆林娛親
更好兄兼弟取次筵前舉壽觴

次韻唐愚士留別之作

曾共秦川話未歸詩情常在九龍池上林花氣春風日長
樂鐘聲夜雨時美酒眼前拚却醉空名身後不須垂故鄉
朋舊無多在君去如君更有誰

讀史

自緣天運不尋常
勝敗兵家豈易量
三戶滅秦皆楚語
重瞳不渡殆天亡
怒來我亦坑降卒
事定人能殺假王
寄與英雄須入慮
莫教辜負魯連狂

送人之任

別去十年總一見
到家兩月又南行
功名自是丈夫事
離合總閑朋友情
蠻夷久矣歸王化
蜀道於今似砥平
蒞官政及春如海
瘴雨晴時花滿城

喜魏仲房見過

江上柴門掩夕暉
客來剗被鵲先知
出迎不較衣
翻着對飲寧辭
殘倒垂語到更深
無斷處起看月落
幾多時人生恨不如
潮信暮去朝還有定期

樟亭送別

昨日渡江今日還
羨君行路不辭難
船頭白鳥波心浴
蓬底青山雨裏看
對酒不須生別思
到家先為問親安
東歸擬借西窓榻
飽聽書聲坐夜闌

宿遠公西墅房

客路緣江十里長
一行來宿遠公房
石田已足今秋雨
橘

圃新收昨夜霜樹裏柴門渾寂、人間塵土正茫、明朝
不忍輕為別如此相逢有幾場

具慶堂為趙大恭賦

雙垂鶴髮喜高年紫語泥金簡、圓官酒濃於仙掌露斑
花帶得御爐烟板輿帶坐穩紵春步銀燭光時照夜筵好似
瑤池會中客笑着桃熟到三千

送王僉憲考滿之京

十年三度喜乘駟孤兔曾聞穴屢空烏府簡書開竟日繡
衣臺閣生生風春流穩載官航發晚日晴連驛騎紅聖主

端居念良弼早起金闕佐夔龍

栢府三年鐵作冠霜飛白簡畫生寒風雲喜逐羣龍集霄
漢爭看一鶚搏花底趨朝鳴玉佩柳邊行騎簇金鞍諸生
久藉甄陶力願得忠心一片丹

雪竹山房

此君節操獨凌寒冰雪叢中更耐看簾幕影迷金瑣碎珮
環聲動玉闌干只疑玄圃翻瓊樹錯訝瑤臺舞素鸞白戰
幾時能着我萬竿深處一憑闌

題畫

白沙翠竹溪邊路綠樹青山郭外村釣艇直隨流水出僧
鐘送隔暝烟聞謾誇李愿居盤谷絕勝龐公隱鹿門如此
故鄉歸未得看君圖畫一消魂

送王布政三舍還鄉

楊柳江亭漲綠烟美人獨上孝廉船到家正及黃花節一
路初經白雁天膝下衫衣朝獻壽庭前銀燭夜開筵百年
喬木應如舊早報平安到客邊

天光雲影軒

半畝芳塘近草堂尋常雲影帶天光晚寒不覺研硃露春
暖惟聞洗藥香西海幾時裁弱水東流何處接扶桑我來
借榻觀秋水坐納銀河夜氣涼

池通活水繞虛堂一片空明奪夜光風動輕搖芸葉亂波
澄微沁墨花香亦知身外浮天地漫笑人間變海桑客睡
無多清話久不嫌零露襲衣涼

送戴伯貞檢校還廣西

桂江烟水接瀟湘逐客歸來道路長卷裏謾多新製作篋
中猶有舊衣裳逢人且說身如夢老我相看鬢已霜此去
莫教音問隔雁飛今喜過衡陽

題安節堂

高堂阿母早孀居白髮如絲志不渝歲時菜盛供祝事夜
深機杼先家奴院花只種忘憂州庭樹容栢返哺鳥好是
子孫能獻壽藹然重慶入新圖

次韻贈僧

文焰慈光幾許長汪已襟度小沅湘烏藤拄杖扶來瘦絳
色轉輕袍製得方潮峇梵音朝洶湧窗涵海日氣蒼涼騷人
釋子門多轍經卷詩囊積滿床

送趙文中

朔漠風塵已十年奉親無計得生還骨將魂魄依鄉土葬
入湖山有墓田報國謾多經世界濟人久熟衛生篇贈君
此別歸何日春雨秋霜重惘然

梅月雙清圖

月到梅花分外明暗香疎影鬩雙清吟隨野鶴依瑤樹卧
聽飛鸞戴玉笙酒醉不^知霜滿屋書聲常共漏三更此中
意味無人識謾說仙家白玉京

過龍岡祠

龍岡樓觀新落成身世恍若居蓬瀛斗牛夜吐天外氣雞

犬晝度雲中聲怒驅六甲鬼神泣笑引雙童環珮清明年
我亦相尋去坐對碧桃吹玉笙

水竹軒

萬竹蕭々水遶門九衢車馬自晨昏晴天波影搖窗戶靜
夜秋聲入夢魂曾為故人頻入榻每回佳節屢開樽百年
清致今猶昔春雨深々長子孫

送陸景文從戎

母在高堂子戎邊去留殊使寸心懸蒼梧山暝雲連樹青
草湖春水拍天報國底須慚負戟倚門應悞候歸鞭戎衣

早換萊衣著忠孝看若得兩全

城南耕隱

愛爾城南隱者居春田遠屋總膏腴兒孫候煖晨驅犢燈
火分涼夜校書入社有懷占樂歲趨朝無夢候公車相逢
自歎飄零久投老歸來愧不如

次萍居留別韻

且勿長亭折柳枝離筵已判酒如池因思會面難期處直
入却杯到醉時橋燕留人爨上下岸花迎客斗低垂計程
明日毗陵道吟寄新詩欲倩誰

犬晝度雲中聲怒驅六甲鬼神泣笑引雙童環珮清明年
我亦相尋去坐對碧桃吹玉笙

水竹軒

萬竹蕭々水遶門九衢車馬自晨昏晴天波影搖窗戶靜
夜秋聲入夢魂曾為故人頻入榻下每回佳節屢開樽百年
清致今猶昔春雨深々長子孫

送陸景文從戎

母在高堂子戎邊去留殊使寸心懸蒼梧山暝雲連樹青
草湖春水拍天報國底須慚負戟倚門應悞候歸鞭戎衣
早換萊衣著忠孝看若得兩全

城南耕隱

愛爾城南隱者居春田遠屋總膏腴兒孫候煖晨驅犢燈
火分涼夜校書入社有懷占樂歲趨朝無夢候公車相逢
自歎飄零久投老歸來愧不如

次萍居留別韻

且勿長亭折柳枝離筵已判酒如池因思會面難期處直
使啣杯到醉時橋燕留人爨上下岸花迎客斗低垂計程
明日毗陵道吟寄新詩欲倩誰

贈蕭山劉縣丞

野夫於世久無聞，出郭忻逢父老論。
何事一從君作縣，摧租不識吏敲門。
夜燈機杼聲連屋，春雨桑麻綠遍村。
他日循良應有傳，肯將名節讓劉昆。

兵後過諸暨

千里江山百戰餘，年來寸土八皇圖。
人行共指西施宅，身退誰歸范蠡湖。
茅屋漸成新里社，居民元是舊流逋。
絕憐父老今無幾，欲問當時不受呼。

紙窓梅影

雪蘭涵虛爛若銀，眼明驚見一枝春。
不愁清夜人吹笛，要倩黃昏月寫真。
頗怪無根生造化，絕勝照水弄精神。
乍晴乍雨頻來往，身外誰知別有身。

送徐汝林省親

此日思親念故鄉，青衫柳色映歸航。
眼前兒女如君少，席上賓朋笑我狂。
歸夢苦嫌春夜短，江流不盡客愁長。
到家歡喜供甘旨，燈下杯盤取次將。

題村居圖

綠槿編籬水遶門，數家雞犬自成村。
夢魂不到黃金闕，歲

月都消老瓦盆土室夜寒勞紡績沙田雨足趁耕耘九街
車馬多如織懷抱何由得似君

重過諸暨觀新漲

孤城寂寞枕江流城上高樓起暮愁帆影直通天側畔漲
痕渾沒樹梢頭魚龍變化應難測桑海更遷莫謾憂世事
天時總如此寄身我亦一浮漚

井南丹室

仙翁隱處存丹井汲井鄰居復鍊丹朱汞晚隨雲氣合翠
烟晴掩月光寒鬼知火候窺靈竈虎作人形護藥園我亦

卜鄰從此老蓬萊不隔海漫

送鄒教諭之京

都道先生自此升檄書催發上神京遙知今日朝中彥多
是當年館下生紅樹驛樓秋色老黃花城郭晚霜清勸君
且盡尊前酒回首雲霄幾萬程

贈別鄉友芮公諱麟

老去親朋見面稀見時無計得同歸遊絲落絮都成恨社
燕秋鴻各自飛杜宇叫殘孤館夢西風吹老故山薇明年
春雨南湖漲擬把長竿坐石磯

有懷夏文度文表昆仲

珍簾生涼簇浪紋寶爐香煖散晴曛
葛巾白苧消三伏繭
紙烏絲寫八分文思湧追韓吏郡詩才清逼鮑叅軍眼中
年少多如許獨爾風流莫與羣

南湖集卷之三終

